

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Printljeno: 19-05-2023			
Org. jed.	Kl. ozna.	Red. broj	Br. priloga
01	04	1322	13

Broj: 02-04-1328/23-AP-3
Datum: 19.05.2023. godine

GRADSKO VIJEĆE ZAVIDOVIĆI
n/r PREDSEDAVAJUĆEM GRADSKOG VIJEĆA
Admir Fojnica, prof.

PREDMET: Prijedlog Odluke o osnivanju poslovne zone „Majdanska polja“
na području Grada Zavidovići, dostavlja se

U prilogu akta dostavljam Vam Prijedlog Odluke o osnivanju poslovne zone „Majdanska polja“ na području Grada Zavidovići.

Prijedlog Odluke o osnivanju poslovne zone „Majdanska polja“ na području Grada Zavidovići sa obrazloženjem gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Obzirom da se ne radi o obimnoj i složenoj Odluci predlažem da Gradsko vijeće Zavidovići Prijedlog Odluke razmatra po skraćenom postupku bez Nacrta u skladu sa članom 130. stav (1) Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-04-1328/23-AP-2
Datum: 19.05.2023. godine

Na sonovu člana 8. Zakona o principima lokalne samouprave („Službene novine FBiH“, broj: 49/06, 51/09) i članova 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), Gradsko vijeće zavidovići na svojoj __. sjednici, održanoj __. __. 2023. godine, donosi

ODLUKU

o osnivanju poslovne zone „Majdanska polja“ na području Grada Zavidovići

Član 1. (Predmet)

Ovom Odlukom na području Grada Zavidovići osniva se poslovna zona „Majdanska polja“, definiše njen obuhvat i granice, određuje namjena, opremanje i izgradnja infrastrukture.

Član 2. (Definicija)

Poslovna zona predstavlja prostor za odvijanje različitih poslovnih aktivnosti, koji je nastao kao rezultat organizovanog i osmišljenog razvojnog koncepta, karakterističan po zajedničkoj infrastrukturi i blizini privrednih subjekata.

Član 3. (Obuhvat zone)

(1) Poslovna zona „Majdanska polja“ se prostire na površini od 15,23 ha.

(2) Poslovna zona „Majdanska polja“, uključujući izmjene, dopune i proširenja, počinje na lijevoj strani mosta preko rijeke Bosne (lokalitet «Ušća») ide ka sjeveroistoku, osovinom korita rijeke Bosne, nizvodno do ušća potoka (na lijevoj obali rijeke Bosne) u rijeku Bosnu (k.č. 1782 – potok), skreće ka zapadu uz potok do ivice puta Zavidovići – Dolina i graničnog pojasa željezničke pruge, tim pojasom skreće u pravcu jugozapada (obuhvatajući «Omladinsko naslje»), ide do tromede parcela broj k.č. 227/17, 227/2 i 321/4, od te tačke granica nastavlja ka jugu graničnom linijom između parcela broj: k.č. 321/4 i 227/17, 227/1 i nastavlja graničnom linijom između parcela broj: k.č. 321/11, 227/1, 227/3, dalje nastavlja graničnom linijom između parcela k.č. 321/13, 227/3, 226/1, dalje nastavlja graničnom linijom između parcela broj: k.č. 321/12, a sa druge strane 226/1, 217, 224 i 1737/1. Granica dalje nastavlja graničnom linijom između parcela broj: k.č. 321/6 i 1737/1, ide do postojeće portirnice ulaza u IP „Krivaja“ gdje presijeca postojeći put (k.č. 1737/1) dolazi do granice parcele broj k.č. 1745 do početne tačke.

Član 4.
(Namjena zone)

- (1) Namjena poslovne zone iz ove Odluke definisana je važećom prostorno-planskom dokumentacijom u čijem obuhvatu su definisane granice poslovne zone.
- (2) Za sva druga pitanja i aktivnosti koja prate funkcionisanje poslovnih zona, primjenjuju se odredbe odluka koje su na snazi ili će u slučaju potebe za regulisanjem određenih pitanja ista biti riješena donošenjem posebnih odluka.

Član 5.
(Građenje unutar zone)

- (1) Građenje unutar poslovne zone iz člana 1. ove Odluke, njeno opremanje i uređenje provodit će se na osnovu važeće prostorno-planske dokumentacije.
- (2) Opremanje i uređenje poslovne zone "Majdanska polja" Grad Zavidovići će finansirati vlastitim sredstvima u skladu sa sredstvima u budžetu Grada alociranim za ove namjene, kao i sredstvima obezbijedenim iz drugih izvora.

Član 6.
(Grafički prilozi)

- (1) Sastavni dio ove Odluke je izvod iz Prostornog plana općine Zavidovići, na kome su prikazane i koordinate tačaka kojima je definisan obuhvat poslovne zone "Majdanska polja".

Član 7.
(Stupanje na snagu)

Ova Odluka stupa na snagu narednog dana od dana objave u "Službenom glasniku Grada Zavidovići".

**PREDSJEDAVAJUĆI
GRADSKOG VIJEĆA**

Admir Fojnica, prof.

O B R A Z L O Ž E N J E

USTAVNOPRAVNI I ZAKONSKI OSNOV ZA UVOĐENJE ODLUKE

Pravni osnov za donošenje Odluke o osnivanju poslovnih zona na području Grada Zavidovići sadržan je u odredbama Zakona o principima lokalne samouprave („Službene novine FBiH“, broj: 49/06, 51/09) kojim je u članu 8. definisano:

„Jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona.

Ona će biti samostalna u odlučivanju o pitanjima iz vlastitih nadležnosti, koje ne mogu biti ograničene ili uskraćene od federalnih ili kantonalnih vlasti, osim u slučajevima i u okvirima utvrđenim ustavom i zakonom.

U vlastite nadležnosti jedinice lokalne samouprave posebno spadaju:

- osiguranje i zaštita ljudskih prava i osnovnih sloboda u skladu sa Ustavom;
- donošenje budžeta jedinice lokalne samouprave;
- donošenje programa i planova razvoja jedinice lokalne samouprave i stvaranje uvjeta za privredni razvoj i zapošljavanje;
- utvrđivanje i provođenje politike uređenja prostora i zaštite čovjekove okoline;
- donošenje prostornih, urbanističkih i provedbenih planova, uključujući zoniranje;
- utvrđivanje i provođenje stambene politike i donošenje programa stambene i druge izgradnje;
- utvrđivanje politike korištenja i utvrđivanje visine naknada za korištenje javnih dobara;
- utvrđivanje i vođenje politike raspolaganja, korištenja i upravljanja građevinskim zemljištem;
- utvrđivanje politike upravljanja i raspolaganja imovinom jedinice lokalne samouprave;
- utvrđivanje politike upravljanja prirodnim resursima jedinice lokalne samouprave i raspodjele sredstava ostvarenih na osnovu njihovog korištenja;
- upravljanje, finansiranje i unapređenje djelatnosti i objekata lokalne komunalne infrastrukture:
 - vodosnabdijevanje, odvođenje i prerada otpadnih voda,
 - prikupljanje i odlaganje čvrstog otpada,
 - održavanje javne čistoće,
 - gradska groblja,
 - lokalni putevi i mostovi,
 - ulična rasvjeta,
 - javna parkirališta,
 - parkovi;
- organiziranje i unapređenje lokalnog javnog prijevoza;
- utvrđivanje politike predškolskog obrazovanja, unapređenje mreže ustanova, te upravljanje i finansiranje javnih ustanova predškolskog obrazovanja;
- osnivanje, upravljanje, finansiranje i unapređenje ustanova osnovnog obrazovanja;
- osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta;
- ocjenjivanje rada ustanova i kvaliteta usluga u djelatnosti zdravstva, socijalne zaštite, obrazovanja, kulture i sporta, te osiguranje finansijskih sredstava za unapređenje njihovog rada i kvaliteta usluga u skladu sa potrebama stanovništva i mogućnostima jedinice lokalne samouprave;
- analiza stanja javnog reda i mira, sigurnosti ljudi i imovine, te predlaganje mjera prema nadležnim organima za ova pitanja;
- organiziranje, provođenje i odgovornost za mjere zaštite i spašavanja ljudi i materijalnih dobara od elementarnih nepogoda i prirodnih katastrofa;

- uspostavljanje i vršenje inspekcijuskog nadzora nad izvršavanjem propisa iz vlastitih nadležnosti jedinice lokalne samouprave;
- donošenje propisa o porezima, naknadama, doprinosima i taksama iz nadležnosti jedinice lokalne samouprave;
- raspisivanje referenduma za područje jedinice lokalne samouprave;
- raspisivanje javnog zajma i odlučivanje o zaduženju jedinica lokalne samouprave;
- preduzimanje mjera za osiguranje higijene i zdravlja;
- osiguravanje uvjeta rada lokalnih radio i TV stanica u skladu sa zakonom;
- osiguravanje i vođenje evidencija o ličnim stanjima građana i biračkih spiskova;
- poslovi iz oblasti premjera i katastra zemljišta i evidencija o nekretninama;
- organiziranje efikasne lokalne uprave prilagođene lokalnim potrebama;
- uspostavljanje organizacije mjesne samouprave;
- zaštita životinja.

Osim ukoliko zakon ne odredi da neku nadležnost treba smatrati povjerenom, nadležnost, ustanovljena ili predviđena zakonom, smatra se vlastitom nadležnosti jedinice lokalne samouprave.”

Članom 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) definisano je:

“Gradsko vijeće u okviru svoje nadležnosti:

1. donosi Statut Grada dvotrećinskom većinom glasova;
2. donosi odluke i druge opće akte kojima uređuje pitanja iz samoupravnog djelokruga Grada;
3. donosi budžet Grada, godišnji izvještaj o izvršenju budžeta kao i odluku o privremenom finansiranju u skladu sa zakonom;
4. utvrđuje gradsku politiku u okviru nadležnosti i prati njeno ostvarivanje;
5. donosi razvojne, prostorne i urbanističke planove i programe, te provedbene planove, uključujući zoniranje;
6. donosi propise o porezima, taksama, naknadama i doprinosima Grada u skladu sa zakonom;
7. donosi odluke o upravljanju i raspolaganju imovinom Grada;
8. donosi odluke o zaduživanju Grada, o raspisivanju javnog zajma i davanju jamstva u skladu sa zakonom;
9. donosi programe uređenja gradskog građevinskog zemljišta;
10. donosi plan korištenja javnih površina;
11. donosi odluke o organizaciji mjesne samouprave i nazivima ulica, trgova i dijelova naseljenih mjesta;
12. donosi odluke o udruživanju Grada u saveze i druge oblike organizovanja, te o trajnom uspostavljanju prijateljske i druge saradnje sa lokalnim i regionalnim zajednicama drugih država;
13. donosi odluke o proglašenju praznika Grada;
14. donosi odluke o priznanjima i nagradama Grada;
15. donosi odluke o raspisivanju referenduma i sazivanju zborova mjesnih zajednica;
16. bira i razrješava predsjedavajućeg i zamjenika predsjedavajućeg Gradskog vijeća;
17. osniva radna tijela Gradskog vijeća, te bira i razrješava njihove članove;
18. osniva stručnu službu Gradskog vijeća i donosi Pravilnik o unutrašnjoj organizaciji Stručne službe;
19. imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješavanja kada je to propisano;
20. osniva preduzeća i ustanove i druga pravna lica za obavljanje komunalnih, društvenih, privrednih i drugih djelatnosti od interesa za Grad, te odlučuje o njihovim statusnim

- promjenama u skladu sa zakonom; 21. odlučuje o prestanku ustanova, preduzeća i drugih pravnih lica u skladu sa zakonom;
22. odlučuje o prijenosu i preuzimanju osnivačkih prava u skladu sa Statutom;
23. razmatra godišnji izvještaj o provođenju gradske politike i aktivnostima Gradonačelnika;
24. pokreće i razmatra inicijativu za pokretanje postupka opoziva Gradonačelnika i donosi odluke o pokretanju postupka opoziva Gradonačelnika;
25. ocjenjuje rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, najmanje jednom godišnje, te osigurava finansijska sredstva za unapređenje njihovog rada i kvaliteta usluga u skladu sa potrebama stanovništva i mogućnostima Grada;
26. donosi pojedinačne i druge akte iz samoupravnog djelokruga Grada u skladu sa zakonom i Statutom;
27. analizira stanje javnog reda i mira, sigurnost ljudi i imovine najmanje jednom godišnje, te predlaže mjere prema nadležnim organima;
28. utvrđuje smjernice za vođenje kadrovske politike u skladu sa zakonom;
29. donosi Poslovnik o svome radu;
30. obavlja i druge poslove utvrđene zakonom i Statutom grada.“

dok je članom 15. definisano:

“Odredbe Statuta Općine Zavidovići („Službeni glasnik Općine Zavidovići”, broj: 5/08, 5a/08 i 11/19) i ostali općinski propisi ostaju na snazi ukoliko nisu u suprotnosti sa ovom Statutarnom Odlukom.”

RAZLOZI ZA UVOĐENJE ODLUKE I OBJAŠNENJE ODABRANE POLITIKE

Poslovne zone predstavljaju jedan od instrumenata podsticaja i razvoja poduzetništva i razvoja privrede, ne samo sredine u kojoj se nalaze već i regije u cjelini. Zemljište predstavlja vrijedan resurs za razvoj poduzetništva i ukupne ekonomije. Da bi se adekvatno iskoristilo ključno je plansko upravljanje prostorom, u skladu sa strateškim razvojnim ciljevima Grada, ali i adekvatno opremanje, te pripremljenost za realizaciju poslovnih aktivnosti.

Poslovne zone u sredinama u kojima su uspostaljene pozitivno utiču na razvoj poduzetništva i poduzetničke klime, na oblikovanje poduzetničke svijesti, na privredni rast i na ukupan ekonomski i socijalni razvoj sredine u kojoj se nalaze.

Koristi od uspostave zone za investitore i poduzetnike ogledaju se u mogućnosti bržeg dolaska do infrastrukturno opremljenog zemljišta, povoljnijih uslova gradnje, ako lokalna zajednica utvrdi takve pogodnosti, ili najma poslovnog prostora, mogućnosti poslovne saradnje s drugim poduzetnicima u i izvan zone, doticaju s novim tehnologijama i znanjima, korištenjem zajedničkih prostora za poslovne aktivnosti i službe itd.

Osnivanje poslovnih zona na području grada u pravilu se odvijalo na način da je uspostava poslovne zone započinjala izradom regulacionog plana, kao isključivo dokumenta prostornog uređenja, potom se radio glavni projekt infrastrukturnog uređenja, u skladu sa uslovima definisanim regulacionim planom, te na kraju donosila Odluka o uspostavljanju i opremanju poslovne zone, u skladu sa usvojenom prostorno-planskom dokumentacijom i projektnom izgradnje / uređenja poslovne zone. U nastojanju da se stvaraju i kontinuirano poboljšavaju preduslovi za povoljno poslovno okruženje postojećim i novim investitorima, Grad Zavidovići je uložio milionska sredstva u infrastrukturno opremanje postojećih poslovnih zona, s tim da je najznačajniji dio tih sredstava obezbijeđen u vidu grant sredstava od viših nivoa vlasti i drugih izvora finansiranja.

U skladu sa navedenim, a da bi se stvorio barem formalni minimum za apliciranje za grant sredstva neophodna za uspostavljanje i opremanje poslovnih zona, u ovom slučaju se odstupaju u proceduri, te se prije usvajanja potrebne prostorno-planske dokumentacije i projekta izgradnje i uređenja poslovne zone donosi Odluka o proglašenju zone, kojom se definiše neophodni minimum parametara koji definišu jednu poslovnu zonu, kao što je obuhvat, definisan koordinatama, ukupna površina i lokacija zone.

OBRAZLOŽENJE PRAVNIH RJEŠENJA U ODLUCI

Članom 1. definisano je šta se tretira predmetnom odlukom, kao i osnovni parametri koji karakterišu poslovnu zonu.

Članom 2. data je definicija poslovne zone.

Članom 3. opisan je teritorijalni obuhvat zone.

Članom 4. definisana je namjena poslovne zone i čime se utvrđuje.

Članom 5. definisan je način i uslovi građenja i opremanje poslovne zone.

Članom 6. definisani su prilozi, te utvrđeno da čine sastavni dio Odluke.

Članom 7. definirani su uslovi i termin stupanja na snagu Odluke.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE


Za provođenje ove Odluke nije neophodno izdvojiti sredstva u Budžetu Grada Zavidovići, obzirom da se njome bliže definišu karakteristike zone, te način i uslovi građenja i opremanja i uređenja poslovne zone.



Donošenje ove Odluke će, imajući u vidu stepen izgrađenosti zone, prevashodno omogućiti apliciranje za grant sredstva razvojnoj agenciji „RAZ“ d.o.o. Zavidovići, obzirom da se i objekti Agencije i objekti poslovnog inkubatora kojim upravlja, nalaze u obuhvatu ove poslovne zone. U skladu sa navedenim za realizaciju planova razvojne agencije, bit će neophodno planirati sredstva u Budžetu za učešće prilikom apliciranja za grant sredstva u okvirnim iznosima:

- Za učešće u izradi glavnog projekta rekonstrukcije objekta inkubatora do 5.000,00 KM u Budžetu za 2023.
- Za učešće u izradi Glavnog projekta infrastrukturnog uređenja dijela zone na kome se nalazi razvojna agencija do 5.000, u Budžetu za 2024.
- Za apliciranje za grant sredstva za izgradnju dodatnih objekata, u svrhu sufinansiranja do 10.000,00 KM u budžetu za 2024. godinu.


PROVEDBENI MEHANIZMI I NAČIN OSIGURAVANJA POŠTIVANJA ODLUKE

Nakon što Odluku usvoji Gradsko vijeće Zavidovići, ista će služiti kao dokaz formaliziranja statusa poslovne zone „Majdanska polja“ u različitim postupcima, te u tom smislu nije potrebno osigurati nikakve posebne provedbene mehanizme.

Obradila: 
(Džeraldina Miličević)


GRADONAČELNIK
doc. dr. Hašim Mujanović


Izmjena, dopuna i proširenje R.P. "Majdanska polja" Zavidovići
-urbanističko rješenje
R 1:1000



- Granica obuhvata
- Planirane površine
 - privredne jedinice
 - rekreativna površina u okviru radne zone
 - infrastruktura
- Planirani saobraćaj
 - sabirna
 - servisna
 - prilaz
 - trotoar
 - benzinska pumpa
- Objekti koji se mogu zadržati
- Uređene javne površine
- Zaštitni pojas rijeke
- Obaloutvrda
- Vodene površine



Komisija za Statut i propise

Broj: 01-04-1332/23-AP-2

Datum: 23.05.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise na 23. sjednici održanoj dana 23.05.2023. godine, razmatrala je Prijedlog Odluke o osnivanju poslovne zone „Majdanska polja“ na području Grada Zavidovići, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o osnivanju poslovne zone „Majdanska polja“ na području Grada Zavidovići, u skladu sa zakonom i drugim propisima.

2. Komisija za Statut i propise smatra da je Prijedlog Odluke o osnivanju poslovne zone „Majdanska polja“ na području Grada Zavidovići, pripremljen u skladu sa članom 8. Zakona o principima lokalne samouprave („Službene novine F BiH, broj: 49/06 i 51/09) i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022).

3. Prijedlog Odluke o osnivanju poslovne zone „Majdanska polja“ na području Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Zerina Husić, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za budžet, finansije i
ekonomska pitanja**

Broj: 01-04-1332/23-AP-3

Datum: 23.05.2023. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonomska pitanja na 16. sjednici održanoj dana 23.05.2023. godine, razmatrala je Prijedlog Odluke o osnivanju poslovne zone „Majdanska polja“ na području Grada Zavidovići, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o osnivanju poslovne zone „Majdanska polja“ na području Grada Zavidovići.
2. Prijedlog Odluke o osnivanju poslovne zone „Majdanska polja“ na području Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za prostorno planiranje,
uređenje i ekologiju**

Broj: 01-04-1332/23-AP-4

Datum: 23.05.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 49. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za prostorno planiranje, uređenje i ekologiju na 13. sjednici održanoj 23.05.2023. godine, razmatrala je Prijedlog Odluke o osnivanju poslovne zone „Majdanska polja“ na području Grada Zavidovići, pa nakon rasprave donijela

ZAKLJUČAK

1. Komisija za prostorno planiranje, uređenje i ekologiju prihvata Prijedlog Odluke o osnivanju poslovne zone „Majdanska polja“ na području Grada Zavidovići.
2. Prijedlog Odluke o osnivanju poslovne zone „Majdanska polja“ na području Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

ZAMJENIK PREDSJEDNIKA KOMISIJE

Mirsad Mujić

